

Â ràffa (Fioravanti Resasco – PIVA)

Che tìpi ému quàndu zügàmu a-e bilie
che tìpi ému... che tìpi ému... che tìpi ému
alùà gh'ému tütti alùà gh'ému tütti
Pillo Pierìn mé Prùxi e Trumbanìn
poi gh'ea Muéna c'u ne pistàva tütti
poi gh'ea Muéna o Muéna e d'unda te Muéna

Â ràffa, â ràffa, â ràffa

Séntu ancùà l'udû dell'incénsu
séntu sempre l'udû dell'incénsu
ê ciavàe che Trufèllu u me dàva 'n testa
oh â tèsta â mê tèsta che mâ de tèsta

Â ràffa, â ràffa, â ràffa

Fàmu 'na settimàna pe ün
fàmu 'na setimàna pe ün
e â matìn, tütte-ê matìn a servî â Méssa
â matìn, tütte-ê matìn a servî â Méssa
nùì crüàmu in tí scaìn de l'Autâa
quàntu sònnu in tí scaìn de l'Autâa
e â còtta, tütta strasâ, a l'éa sémpre â revèrsa
e â còtta, tütta strasâ, a l'éa sémpre â revèrsa

Â ràffa, â ràffa, â ràffa

Pisulìn, Mario, Pistùni, Prùxi, Pimpinèlla
i ghe dàvan i ghe dàvan sémpre â ràffa..
e zü tütti 'nscémme per tèra
e zü tütti 'scémme per tèra

Â ràffa, â ràffa, â ràffa

Aùà sémmu cangiài...aùà sémmu cangiài
àtri problémi, àtri discùrsi, àtre amicissie, àtri ideàli
ma tütti, pénsu, avémmu 'n pô de nustalgìa
de quàndu zügàmu a-e bilie
de quàndu zügàmu a-e bilie
ma tütti, pénsu, avémmu 'n pô de nustalgìa
de quàndu zügàmu a-e bilie
de quàndu zügàmu a-e bilie

Â ràffa, â ràffa, â ràffa